

P R A E F A T I O.

Christianorum Ecclesiae aciem, & fluctuam exercitum, vt archistrategus, dux, & Praefectus, per gratiam Deitueretur, atq; defenderet. Multarum urbium christiana ac pia consuetudine ita obseruatum, confirmari potest.

De Martis delubro in Ducatu Slesuicensi, Luneburgi, & Iulini diximus, vbique; S. Michaelis est substituta Ecclesia. Antuerpiae, templum Martis in S. Michaelis honorem conuersum, prima pastoribus populi sedes fuit. Nunc, magna est S. Michaelis ordinis Praemonstratensium Abbatia. Martis etiam delubrum in monte fuit extra Leodium, Vbi nunc est S. Egidij Canonorum Regularium Abbatia, D. Michaelis memoria, & Ecclesia celebris. Nota est S. Michaelis historia in monte Gorgano. Bononiae memoria S. Michaelis in Bosco; In Pedamonte, eiusdem Archangeli phanum excelso in monte Abbatia nobili illustre. In Dalmatia, ad famosum Clissae propugnaculum arcemq; in uictam, in altissima rupe S. Michaelis Archangeli celebre oratorium existit. In nostra Coloniae vicinia, Monasterij Eiffiae in altissimo monte, olim Marti sacro, nunc D. Michaeli sacellum per antiquum conspicitur. Quin & Bonnae, vbi Mars Militaristemplum antiquitus habuit. Quod Aurelius Sintus Praefectus, Anno ab Urbæ condita, 1047. A Christo nato, 297. impensis suis restaurauit, ibi nunc Monasterium, & Sacrum nobilium Virginum Collegium extat, D. Michaelis & in apice Ecclesiae, & in aditu templi, vt tutelarem Diuum, & protectorem loci effigiatum exhibens, A quo vallis Angelorum nuncupatur.

Sed ipsam Agrippinam Coloniam, patriam nobis longè charissimam, ingrediamur; Vbi, quod supra portam Rhenanam Marti consecratum commemorauimus phanum, in oratorium D. Michaelis, auorum pietate, mutatum fuit. Quod nunc, necessitate ita postulante, Magistratus auctoritate est amotum, & ad antiquitatis conseruandam memoriam, duæ constitutæ sunt statuae, quarum altera Martem, altera S. Michaelis Archangelum representat, cum tali inscriptione.

*Aedibus his Phano Martis celeberrima porta  
Astitit, hanc urbem struxit Agrippa parens.  
Addidit illustres aras, vbi iura ferebant  
Bellarum & stabant fixa trophaea Dijs.  
Hic gladius magni fuerat suspensus Iulis,  
Syluis & quo se foderat ensis Otho.*

*Porta Michaeli Christo regnante, dicatur  
Sanguinei Martis cum simulacra labant,  
Aest obscura fuit moles, & inutilis urbi:  
Translatis igitur fit via plana sacris  
Vt iam Mauortis sumi diruta moenia Porta  
Dextera sic Urbem seruet ab hoste Dei.*

Hanc tutelarem D. Michaelis memoriam Coloniae sibus imprimis gratam fuisse, hinc facile constat, quia in diuersis editioribus locis, insignita tanti patroni nomine oratoria, auorum pietas instituit. Vt in altera Urbis antiquae porta, versus meridiem ad S. Ceciliæ Monasterium, vbi editore in loco, D. Michaelis celebre oratorium, & eccubium existit, prout etiam in alia in aliarum nostrarum Ecclesiarum turribus, portis, & testudinibus. Quin & primi summæ & Metropolitanæ ædis fundatores tantæ molis fastigium S. Michaelis Sacello, tanquam colophonem claudere, & vtramque campanariam turrim in apice, tanti cõdeprecatoris oratorio coniungere statuerunt. Quemadmodum ignographica istius fabricæ sacrae delineatio, hoc ipsum artificiosè demonstrat.

Det Christianorum ciuitatibus, per misericordiam suam Dominus, vt horreni draconis conatus, quibus almæ pacis, & concordia decus ipsis eripere statuit, S. Michaelis, omniumque angelorum tutela, per fortitudinem dei frangantur; Ne verus & vnicus in cœlo Iupiter, commerita in eos fulmina vibrare cogatur: Sed Herculis clauæ Palladis, & Mineræ cõsilia iungant, quò sapientiam diuinam cuncta suauiter disponentem, in omnibus gubernationis suæ actionibus sequantur, quò hac ratione Palladem; quæ de Iouis cerebro, hoc est, à vero Deo sincera pietas, & sapientia nata censetur, colentes, ab vno, trinoq; Deo, urbium suarum protectionem consequantur, vt ciuium suorum mentes, à noxijs opinionibus liberas, non mœniorum tantum fortitudine, sed & animorum consensione stables, firmasq; conferuent. Et sic tandem, ex hac terrena, in ciuitatem æternam à Deo prædestinatam, in Hierusalem cœlestem, & supernorum ciuium congregationem commigrent, cuius muri ex lapidibus preciosis, portæ, ex margaritis optimis, plateæ ex auro purissimo, in quibus Deus noster regnat. Vbi conciuēs nostri angeli, & beatorum spiritus, quorum cohabitatio perpetua letantium est exultatio, vbi summa pax, quies & tranquillitas, vbi nullus labor, nullus dolor, nulla paupertas, nec senectus, nec vlla mors, nec nox, nullum ibi cibi desiderium, nullum sitis incendium, sed cibus & potus omnium, Christi, & sanctæ Trinitatis visio erit, & diuinitatis puro cordis oculo, contemplatio, & assidua lectio, vt ita dicam, libri vitæ, id est, æternæ veritatis, & summæ sapientiæ, & verbi Dei, quod est, Iesu Christi visio. Ad quam nos per-

ducere dignetur, vnica spes, & expectatio nostra IESVS CHRISTVS,

qui viuit & regnat Deus, in æterna sæcula,

AMEN.